

არასამეწარმეო (არაკომერციული) იურიდიული პირის „გორის მუნიციპალიტეტის კეთილმოწყობის სააგენტოს“ წესდება

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი „ გორის მუნიციპალიტეტის კეთილმოწყობის სააგენტო“ (შემდგომში სააგენტო) მოქმედებს საქართველოს კონსტიტუციის, საქართველოს ორგანული კანონის „ადგილობრივი თვითმმართველობის კოდექსის“, საქართველოს სხვა საკანონმდებლო და კანონქვემდებარე ნორმატიული აქტების, გორის მუნიციპალიტეტის წარმომადგენლობითი და აღმასრულებელი ორგანოების სამართლებრივი აქტებისა და წინამდებარე წესდების შესაბამისად.
2. სააგენტოს ორგანიზაციულ - სამართლებრივი ფორმაა არასამეწარმეო (არაკომერციული) იურიდიული პირი.
3. სააგენტო თავისი მიზნებიდან გამომდინარე მოქმედებს როგორც საქართველოს მთელ ტერიტორიაზე ასევე მის საზღვრებს გარეთ.
4. სააგენტოს გააჩნია იურიდიული პირისთვის საჭირო ყველა ატრიბუტი, ბეჭედი შტამპი, ანგარიშსწორებისა და სხვა სახის ანგარიშები სათანადო დაწესებულებებში.
5. სააგენტო შექმნილია განუსაზღვრელი ვადით.
6. სააგენტოს სრული სახელწოდებაა არასამეწარმეო (არაკომერციული) იურიდიული პირი „გორის მუნიციპალიტეტის კეთილმოწყობის სააგენტო“.
7. სააგენტოს ელექტრონული ფოსტის მისამართია - Info.ketilmotskoba@gmail.com
8. სააგენტოს იურიდიული მისამართია: საქართველო, ქ. გორი, სტალინის გამზ. N16.

მუხლი 2. სააგენტოს მიზნები და ამოცანები

1. სააგენტოს მიზნები:
 - ა) გორის მუნიციპალიტეტის ინფრასტრუქტურის კეთილმოწყობა.
 - ბ) ეკოლოგიური პირობების გაუმჯობესება.
2. სააგენტოს ამოცანები:
 - ა) მუნიციპალიტეტის ტერიტორიის დასუფთავება, მოსახლეობისგან და ორგანიზაციებისგან საყოფაცხოვრებო ნარჩენების გატანა და უტილიზაცია კანონმდებლობის შესაბამისად;
 - ბ) გორის მუნიციპალიტეტის ტერიტორიაზე სანიაღვრე არხების , გაწმენდითი და სარეაბილიტაციო სამუშაოების შესრულება;
 - გ) მუნიციპალური შადრევნების, სკვერების, მოსაცდელეზების და სპორტული მოედნების მოვლა - პატრონობა.
 - დ) ზამთრის სეზონზე ქუჩების მოვლა-შენახვის განხორციელება;
 - ე) გორის მუნიციპალიტეტის ადმინისტრაციული შენობების მოვლა-პატრონობა;
 - ვ) მუნიციპალიტეტის ტერიტორიის კეთილმოწყობის მუნიციპალური პროგრამების, პროექტების მომზადება და მათ განსახორციელებლად ტექნიკური სამუშაოების განხორციელება.
 - ზ) მუნიციპალიტეტის იერსახეზე ზრუნვა, საჭირო ღონისძიებების გატარება.
 - თ) დამფუძნებლის დავალებით, მრავალშვილიანი, სოციალურად დაუცველი და მძიმე მატერიალურ მდგომარეობაში მყოფი ოჯახების საცხოვრებელი სახლების გამაგრება/რეაბილიტაცია;
 - ი) საჭიროების შემთხვევაში გორის მუნიციპალიტეტის სოფლებში შიდა საუბნო გზების რეაბილიტაცია;

კ) გარემოს და ბუნებათსარგებლობის , მრავალფეროვნების , გადაშენების საფრთხის წინაშე და იშვიათი სახეობების შენარჩუნების და გაუმჯობესების მიზნით სარგავი მასალის (ნერგის) გამოყვანის უზრუნველყოფა.

ლ) გორის მუნიციპალიტეტის ტერიტორიაზე არსებული მწვანე ნარგავების დაზიანებული ტერიტორიების სპეციალური გამოკვლევა და აღდგენა, ახალი ნერგების განთავსება და არსებული ნერგების მორწყვის გადახედვის, გასხვლის და სხვა გაშვანებით-მოვლითი სამუშაოების განხორციელება.

მ) გორის მუნიციპალიტეტის ტერიტორიაზე არსებული სასაფლაოების მოვლა - პატრონობა, სარიტუალო მომსახურება , სასაფლაოების დახურვა და ახალი სასაფლაოების გახსნა კანონმდებლობის შესაბამისად.

ნ) ქუჩების განათება, შენობის დეკორაციების მინათება, გარე განათების ქსელის ექსპლუატაცია (შეკეთება, გამოცვლა, მონტაჟი) და მასთან დაკავშირებული წინადადებების შემუშავება;

ო) გორის მუნიციპალიტეტის ტერიტორიაზე პარკირების ორგანიზების განხორციელება .

პ) საქარტველოში მოქმედი კანონმდებლობის შესაბამისად , დამფუძნებლის წერილობითი დავალების საფუძველზე განსაზღვრული სხვა ფუნქციების შესრულება.

3. თავისი მიზნების განსახორციელებლად სააგენტო კანონით დადგენილი წესით:

ა) ამყარებს პარტნიორულ ურთიერთობებს ადგილობრივ და უცხოურ ორგანიზაციებთან.

ბ) ფლობს, იძენს და განკარგავს ქონებას.

გ) შეიძლება იყოს მოსარჩელე და მოპასუხე სასამართლოში, კერძო არბიტრაჟში.

4. სააგენტოს შეუძლია განახორციელოს სამეწარმეო საქმიანობა, რაც არ იკრძალება საქართველოს კანონმდებლობით, ატარებს დამხმარე ხასიათს, საქმიანობიდან მოგება უნდა მოხმარდეს სააგენტოს მიზნების განხორციელებას.

მუხლი 3. სააგენტოს სტრუქტურა

1. სააგენტო შედგება შემდეგი განყოფილებებისგან:

ა) ადმინისტრაცია;

ბ) საფინანსო განყოფილება;

გ) მონიტორინგის განყოფილება;

დ) დასუფთავების განყოფილება;

ე) გაშვანების და სანერგე მეურნეობის განყოფილება;

ვ) სასაფლაოების მოწყობისა და მართვის განყოფილება;

ზ) დასვენების პარკი „ახალბაღი“-ს განყოფილება;

თ) გარე და დეკორატიული განათების განყოფილება;

ი) ტრანსპორტის განყოფილება;

კ) სამშენებლო, სარეაბილიტაციო სამუშაოების განყოფილება;

2. სააგენტოს განყოფილებების საქმიანობას დირექტორთან კოორდინირებით წარმართავენ განყოფილების უფროსები. რომლებსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს ხელმძღვანელი.

3. სააგენტოს განყოფილებების ფუნქციები განისაზღვრება სამუშაო აღწერილობებით, რომელსაც შესაბამისი განყოფილების უფროსთან კოორდინირებით ამტკიცებს სააგენტოს დირექტორი.

მუხლი 4 სააგენტოს მართვა

1. სააგენტოს ხელმძღვანელობს დირექტორი , რომელსაც თანამდებობაზე ნიშნავს და ათავისუფლებს გორის მუნიციპალიტეტის მერი.

2. სააგენტოს დირექტორს ყავს ორი მოადგილე რომლებსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს დირექტორი.

3. სააგენტოს დირექტორი:

ა) ხელმძღვანელობს და წარმართავს სააგენტოს საქმიანობას საწესდებო მიზნების მისაღწევად.

ბ) ხელს აწერს სააგენტოს ოფიციალურ, მათ შორის ფინანსურ დოკუმენტებს.

გ) წარმოადგენს სააგენტოს სხვა პირებთან ურთიერთობაში.

დ) ახორციელებს სააგენტოს ფინანსური სახსრებისა და სხვა მატერიალური ქონების ოპერატიულ მართვას, მართლზომიერად გამოყენებასა და მოვლა-პატრონობას.

ე) გორის მუნიციპალიტეტის მერთან შეთანხმებით ამტკიცებს სააგენტოს საშტატო განრიგს.

ვ) ამტკიცებს სააგენტოს შინაგანაწესს, განსაზღვრავს სააგენტოს განყოფილებების ფუნქციებს და შეიმუშავებს მათ სამუშაო აღწერილობებსა და თანამდებობრივ ინსტრუქციებს.

ზ) მერთან შეთანხმებით თანამდებობაზე ნიშნავს და ათავისუფლებს დირექტორის მოადგილეებსა და განყოფილების უფროსებს. თანამდებობაზე ნიშნავს და ათავისუფლებს სააგენტოს თანამშრომლებს;

თ) სააგენტოს განყოფილების უფროსებთან შეთანხმებით ადგენს სხვადასხვა სახის ღონისძიებათა კალენდარს და უზრუნველყოფს მათ გამართულად ჩატარებას.

ი) მოადგილეებისთვის განსაზღვრავს საკუთარო სფეროებს.

კ) ასრულებს ამ წესდებით მასზე დაკისრებულ მოვალეობებსა და კანონით აუკრძალავ სხვა ფუნქციებს.

ლ) პასუხისმგებელია გორის მუნიციპალიტეტის მერის წინაშე.

მ) მუნიციპალიტეტის მერს წელიწადში ერთხელ წარუდგენს ანგარიშს გაწეული სამუშაოს შესახებ.

4. სააგენტოს დირექტორი თავისი უფლებამოსილებების შესასრულებლად გამოსცემს ბრძანებებს.

5. სააგენტოს დირექტორის არყოფნის შემთხვევაში, გორის მუნიციპალიტეტის მერთან შეთანხმებით, სააგენტოს დირექტორის მოვალეობას ასრულებს ერთ-ერთი მოადგილე.

6. დირექტორის უფლებამოსილების ვადამდე შეწყვეტა მის მიერ წესდებით განსაზღვრული მიზეზებისა და ამოცანების არაჯეროვანი და არასრულფასოვანი შესრულების, უფლებამოსილების გადამეტების ან სააგენტოს საწესდებო მიზნებთან შეუსაბამო საქციელისთვის შეუძლია გორის მუნიციპალიტეტის მერს. ასეთ შემთხვევაში ერთი თვის ვადაში ინიშნება სააგენტოს ახალი დირექტორი.

7. სააგენტოში დასაქმებულ თანამშრომელთა უფლებამოსილებები განისაზღვრება წინამდებარე წესდებით, სააგენტოს სამუშაო აღწერილობებით, თანამდებობრივი ინსტრუქციებითა და შრომის შინაგანაწესით.

მუხლი 5. სააგენტოს ქონება

სააგენტოს შეიძლება საკუთრებაში ჰქონდეს შენობები, ნაგებობები, სატრანსპორტო საშუალებები, ფულადი აქციები და მოძრავი ქონება, რაც ესაჭიროება თავისი საქმიანობის განსახორციელებლად.

2. სააგენტოს ქონება იქმნება სხვადასხვა შენატანების, პირთა შემოწირულობებისგან, აგრეთვე კანონმდებლობით ნებადართული სხვა შემოსავლებიდან.

მუხლი 6. სააგენტოს საქმიანობის შეწყვეტა

სააგენტოს ლიკვიდაცია/რეორგანიზაცია და ლიკვიდაციის შედეგად დარჩენილი ქონების განაწილება ხდება საქართველოს კანონმდებლობით დადგენილი წესით.

მუხლი 7. სააგენტოს წესდებებში ცვლილებების შეტანის წესი

წესდებებში ცვლილებებისა და დამატებების შეტანა ხდება დამფუძნებლის მეშვეობით საქართველოს კანონმდებლობით დადგენილი წესით.

მუხლი 8. დასკვნითი დებულებები

1. წინამდებარე წესდება ძალაში შედის დამფუძნებლის მიერ წესდების დამტკიცების შესახებ ბრძანების ამოქმედების და საჯარო რეესტრის ეროვნულ სააგენტოში რეგისტრაციის დღიდან.
2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
3. ამ წესდებასა და საქართველოს მოქმედ კანონმდებლობას შორის შეუსაბამობის შემთხვევაში მოქმედებს საქართველოს კანონმდებლობით განსაზღვრული ნორმები.

მუხლი 9. დამფუძნებელი

სააგენტოს დამფუძნებელია გორის მუნიციპალიტეტი ს/კ 218086087

